

歷城縣志卷十正

歷城縣志卷十一

邑人葉承宗撰

古蹟志

城邑

宅苑

陵墓

石刻

元于欽齊乘其志古蹟類例有四一曰城郭記古井邑一曰亭館該乎棟宇一曰丘壠丘陵墳衍系焉一曰志聞碑銘詩說終焉今志一倣欽例噫後之視今猶今之視昔欽固曰曠千載而相感者其在斯與作古蹟志

城邑

城成也衆心所成也玄德萃舜成邑成都洪水蹙

殷遷囂遷耿蓋可知也歷下城為最古秦漢以還城社變徙郡邑省廢遺墟故址昭然可考備而志之以昭幅幘之盛焉

歷下城 史記晉平公伐齊戰于歷下又韓信襲

破齊歷下軍皆此地 晏謨三齊記云古歷下城對歷山之下山在縣南五

里

譚城 東平陵城 城東七十五里春秋譚國齊

桓滅之古城在西南龍山鎮相對漢為東平陵

縣 右扶風有平陵故此加東 文帝封齊悼惠王子辟光為濟

南王都此 東晉時此城北石虎移于城南有狼狐十餘隨之迹皆成蹊趙王石虎隨

起南寇之計歷代皆為縣宇文周始廢隋土豪李蒲據城歸唐武德二年置譚州平陵縣以蒲

為總管貞觀中州縣相繼俱廢都督齊王祐及土人不從太宗勅嘉之縣依舊置改名全節其

後廢入歷城此城漢為王都唐為州治故周二十餘里雉堞高峻三齋記以為殷帝乙之都云

奉先縣城 齊乘曰平陵西北十五里有廢奉先

縣 建置省廢世代年月無考

鮑城 城東三十里鮑山下禹裔有鮑叔仕齊食

采于鮑因以為氏鮑叔生叔牙世為齊卿 一齊記口

山因城名元遺山濟南行作鮑山誤也

臺城 城東北十三里漢高初封戴野為臺侯建孝

二年立東魏郡理臺

營平城 城東三十里漢縣宣帝封趙充國為營

平侯隋唐皆置營城縣屬譚州唐初省入平陵

按述征記歷城到營城三十里自城以東水漲漫數十里間南則迫山實為險固逮金亂土人因阻水立邑號曰水寨歸附後始移置今縣

巨合城 城東七十里水經注云巨合水南出雞

山北經巨合城耿弇討張步進兵先脅巨里

此自宋為龍山鎮

長城 括地志曰長城西北起濟州平陰縣緣河

歷泰山北岡上經濟州淄川即西南兗州博城

縣北東至密州琅琊臺入海蘇代曰齊有長城鉅防齊記曰齊宣

王乘山嶺之上築長城東至海西至濟州以備楚竹書紀年云梁惠王二十年齊閔王築防以為長城今按歷山為齊魯分地而長城綿巨郡邑共之今歷所隸所云泰山北岡是也遺址尚存

齊城 柳埠南考通志濟南郡城在鄒平縣北十八里漢置郡後廢濟南縣城在鄒

平北十五里隋開皇置大業中廢入長山謹按二城雖非歷下之地而冒濟南之名附記于此

宅苑

謝公厚德莫庇柳絮之庭李相癡情乃眷平泉之石此鄼侯有鑒於勢家而不置宅溫公恣遊於戚交而不為園也歷下甲第名園載在逸乘按圖索址父老猶能道之某張相之所營也某曾公之所葺也某杜陵之所憇而于鱗之所築也過墟濡毫臨風酌酒其費我峴山之淚多矣

宅第 現存者不錄

秦叔寶宅 西關沙苑 子孫世以鐵冶為業世稱鑄鐵秦家云

羅士信宅 齊乘曰濟南府城中有羅姑井相傳

士信故宅

張養浩宅 布政司街七聘堂故處今改祠堂

平安宅 內有濯纓泉白雲樓

尹旻宅 邑治東今名尹家巷

邊貢宅 德府前內有萬卷樓

王勅宅 西關柴市

金城宅 都司前

江濬宅 西門外曲巷面水而居今數易主猶稱

江家池

張嵐宅 布政司前路東小巷

范瑟宅 布政司前路西

李攀龍宅 西關柴市路南

許邦才宅 布政司街路東

王見賓宅 東門內路南

周繼宅 都司西

穆深宅 土人名其地 為穆家樓

別墅 莊載知名田舍膏腴概置不錄

終軍村 齊乘云歷城南九十里終軍村

魏花莊 宋指揮魏花置城西南二十里

雲莊 城西北十里元中書祭議張養浩致政時

所居 中有雲錦池雪香林掛月峯待鳳石遂間 堂處十菴綽然拙逸樂全九臯半仙五亭

有記至今子孫 猶能世其業

王舍人店 城東三十里鮑山下

邊貢莊 張馬泊

劉天民莊 城南六十里弔枝菴

小村莊 趙司農世卿置原名祝店

許邦才莊 北門外

劉勅莊 華不注山下

亭館

歷下亭 齊乘曰府城驛邸內歷山臺上面山背

湖實為勝絕少陵有陪李北海宴歷下亭詩昔

人標景為歷下秋風 今按驛臺俱廢父老相傳亭址在今貢院後

峭山亭 齊乘曰城北峭山湖上少陵詩序登歷

下員外新亭亭對峭山湖者是也

環碧亭 歷下亭傍曾鞏有詩

北渚亭 水經注灤水北為大明湖西有大明亭

水成淨池池上有亭即北渚也

水西亭 在湖上見曾鞏諸賢詩

環波亭 在湖上見蘇轍詩

水香亭 大明湖內曾鞏有詩

雲波亭 在湖西

翠陰亭 城北十里雲莊

台石亭 府治內 嘉靖十年楊太守撫掘地得石故建此亭今廢

環碧亭 府學明倫堂後原名環波 洪武間僉事趙綸重建更

名環碧尋廢今改為敬一亭

瀛州亭 環碧亭西

采香亭 舊府治內見蘇會諸公詩

會僊亭 在劉園許空石有詩

綽然亭 拙逸亭 樂全亭 九臯亭 半僊亭

俱在雲莊張養浩有記

尹公亭 北門內尹旻建邊華泉劉函山皆有詩

飛躍亭 府庠 天啓丙寅樊太守時英建尋廢

臺

百花臺 在城南曾子固有詩人因呼為南豐臺

今廢或云在
百花橋下

黃臺 在城北有金任詢詩

堂

歷山堂

樂源堂 二堂俱在趵突泉上北堂曰歷山南堂

曰樂源 曾南豐知齊州日建此
以館客有齊州二堂記

閱武堂 在府城內見曾子固詩

七聘堂 布政司前元張養浩致政歸至元間遣

使七聘不起後人因名其堂

遂閒堂 雲莊內

靜化堂 舊府治內 曾鞏知齊州時建今為左布政廳

禹功堂 芙蓉堂 俱舊府治

廳

仁風廳 齊乘曰舊府治即今憲司前衙也

芍藥廳 齊乘曰亦在府治曾子固有詩今即後

堂有宋元祐名士軒碑廳西古竹猶存芍藥尚

餘數本 今為布政司衙

館

青蘿館 在北渚李于鱗有詩

齋

竹齋

凝香齋 俱府治內

軒

名士軒 舊府治內有宋元祐碑

閣

漣漪閣 湖上劉函山有詩

樓

白雲樓 濯纓湖上高數十尺元張養浩有賦

望湖樓 齊乘曰李師中建

勝槩樓 齊乘曰灼突泉西金人建亦壯麗近亦為水

所壞趙松雪有詩

超然樓 水面亭後元學士李洄建已卯燬今謀脩復

白雪樓 李于鱗在比部時建別墅鮑山下製白

雪樓諸名卿往來登觴歌詠最盛末年又築樓

于城中湖上碧霞宮側許殿卿所謂湖上樓是

也于鱗即世子孫淪亡其人與樓俱物故矣嶺南葉公遊宦歷下捐俸錢起樓臺于樂源隙

地如其題焉要之非其舊也

迎僊樓 西關迎僊橋上關頭笑起崇臺樓翼其上屹然大觀崇禎已卯

燬此樓關濟南風氣當急謀脩

摘星樓

橋

芙蓉橋 水西橋 湖西橋 北池橋 俱大明

湖南齊乘曰大明湖南岸百花洲洲上百花臺臺傍百花橋環湖有七橋曰芙蓉曰水西

曰湖西曰北池之類是也南豐詩云從此七橋風與月夢魂長到木蘭舟今皆廢矣惟百花橋

與樂源石橋尚存

驛

聞韶驛 在大明湖南

院

嶧山院 嶧山下陳無已有詩

菴

湧泉菴 錦陽川上李于鱗有詩

處士菴 雲莊

廟

舜廟 按圖經古舜祠在廟山城外古舜坊即廟

山故道

娥英廟 酌突泉側祀娥皇女英

神農廟 見祐德觀下

天齊山廟 府城內按漢志濟南國治東平陵有

天山郡南山以其在齊因曰天齊

酈食其廟 府城內

寺

開元寺 府城內

鐘樓寺 大明湖南後改湖南書院已又改爲提

學公署

天王寺 沙苑西

觀

祐德觀 府城內唐碑云瑞氣觀宋曰天慶金改

祐德觀內古有扁鵲祠今人因創神農廟碑記

存焉

脩真觀 石固寨 紫極觀 柳埠

洞真觀 展村

祠

閔子祠 城東五里宋熙寧七年濟南太守李肅

之即墓前置祠立碑蘇轍記蘇軾書

扁鵲祠 見祐德觀下

忠襄王祠 府治東南隅祀元尚書忠襄王張榮

園

賈園 劉函山有詩

萬竹園 內有登州望水二泉

通樂園 趵突泉西又名川上精舍殷文莊建

街巷

塌行街 縣東

憲司街

亦名同知巷

李承務巷

銀作街

即今西營

鐵佛巷

林

使君林

大明湖內

鄭公崇三伏
飲碧筒處

雪香林

雲莊

陵墓

齊王禁樵於柳下漢高致祀於信陵桓可王敦唐

評魏武英雄埋骨地每足供人憑弔焉故知曹餘

李志數畝宮不如廉頗相如一抔土也

太甲陵 中宮東南漢書載皇覽云太甲有家在

歷山上

高唐王墓

鴈翅山

歷城王墓

紫荆山

寧海王墓

門牙莊

濟寧王墓

標山下

堂邑王墓

標山下

利津王墓

紫荆山下

安陵王墓

路家莊

清平王墓

紫荆山下

紀城王墓

泉瀘莊

永年王墓

紫荆山傍

鮑叔牙墓

鮑山下

鄧食其墓

天懸寨左

閔子騫墓 城東五里 朱雲墓 古平陵南

班超墓 城西南三里 王伯墓 平陵城

吳子蘭墓 城南完備山

夏侯勝墓 城東七十里古平陵東門外

魏花墓 城西魏花莊 段直墓 城東何二莊

郭太師墓 城東老僧口 有元太師郭公墓碑

馬丹陽墓 城東六十里大水坑

張榮墓 城東張陵壇 學士張起巖碑銘

張養浩墓 城北五柳閣南雲莊

秦津墓 龍山西北 津元東平防禦使

秦琰墓 四里山下 王允墓 城西五里

衛青墓 藥山西麓 青正統十四年護衛兵以功封宣城伯子穎

尹旻墓 八里山陽 史蘭墓 四里山西

張鶴墓 城西五星 王勅墓 龍窩山南

邊貢墓 萊家莊後 劉燾墓 城西十里

劉天民墓 五里溝 陳明墓 城東南六里

江濬墓 杏園 范瑟墓 紫青山南

殷衡墓 城東小莊 李攀龍墓 柳溝

許邦才墓 火關 趙世卿墓 荆山前

周繼墓 茂陵山 劉伯縉墓 鬼兒嶺

王見賓墓 武場東 陳九疇墓 六里山

義斌墓 城西五里舖官廳側 張令鶴鳴 記見烈女

石刻 石附

歐陽公有集古錄趙明誠有金石錄蓋以古人手
澤惟憑翰墨雖苔痕蘚翳斑駁難識鬼而較之致
自足樂然右軍既往誰為真本蘭亭耶紫色盡聲
潮日久矣願得寒山片石相與語耳

像刻

孔子魯司寇像石刻 聞韶館

孔子佩劍像石刻 府學殿內俱吳道子筆

呂僊像石刻 趵突泉閣下 肥令王惟精寫 郡守樊時英贊

白衣大士像石刻 下院一在趵突泉 姑蘇邵 堅寫

大書刻

忠孝廉節石刻 許忠節祠

龜龍麟鳳石刻 府學明倫堂旁

讀書堂石刻 在王舍店舖內 萬曆初掘地得之 乃宋龍圖侍郎張

揆舊隱處也蘇東坡書
後移于縣庠橋門外

神在字刻 舜祠唐郭恕先書
本書城南碧霞宮
壁臨而刻之于此

福壽字刻 按察司土地祠宋陳搏書
大方約
四尺許

觀瀾字刻 釣哭泉
方伯通州
張鑑書

釣哭泉字刻 天水胡績宗書

大明湖字刻 一在學道東一在鵲華
橋下皆天水胡績宗書

三槐清廡石刻 學道廨內

江漢秋陽刻 府學
李復
初書

周太功勳孔孟心傳字刻 府學
侍郎鄭崇題
中丞曾鑑書

畫刻

五嶽真形石刻 華陽宮大門內

野鵲睡犬石刻 元李宗寶周焯所畫鵲犬曹希

谷題其端寓諷刺謂之三絕今壞

楊給諫竹石刻 按察司後堂

摩崖刻

勅龍洞壽聖院刻 龍洞北崖
宋熙寧間
蘇軾書

自有靈岩石刻 開元寺南壁
宋朱晦
菴書

天生自來泉刻 佛峪 天台另境 龍洞口

錦屏春曉刻 龍洞東岩

臨流字刻 龍洞谷口

大乘師演老巖 龍洞獨秀峯下

宋題名記 佛慧寺東 記曰崇寧十年六月知州事吳拭同僚屬會食佛慧

山飲茶泉上大觀二年三月知州事梁彥同遊者六人政和四年三月知州事蔡若後七人勸耕于此飯寺中五年七月季德脩五人就甘露泉試北苑茶七年二月張勸深九人登覽今崖壁崩墜題刻不復可辨

小書刻

八行石刻 府學大殿後今壞

岳武穆王碑 府堂後 樊太守時英掘地得此立祠祀之有銀屏夫人記

墓碑

漢趙相劉衡碑 平陵城傍

樂安任照先碑 平陵城

元張養浩碑 雲莊

字帖

鵠遊亭刻 黃中丞克纘集在布政司

不自棄文刻 杜大綬書

祠碑

張文忠公祠碑 黃潛撰

閔子祠碑 蘇轍記

朱司馬平東叙功碑 董其昌撰並書

石

石友 元張養浩置十石友每飲必同之呼為石

友在雲莊

鳳翥石 布政司 豸冠石 按察司

碧虛僊人石 尹恭簡家藏今在趙司農家

殷園石 失名 殷園雖廢遺址猶存樹木菁蔥湖石屹立頗輔酌泉之勝崇禎壬申

有人伐木脩橋石失其勢遂僵臥麓中矣方在盛時此石價重千金過之輒為子邑

蛟龍石 府庠泮池內 平太守康祿移置于此

四靈石 王季木口郡中有靈石四玲瓏清古極天工之巧一在府學一在布政司一在

孟宅一在劉家亭蓋傳自滕國者余曰此何足奇吾以人為靈于宋取辛稼軒李易安于昭代取邊華泉李于鱗四君子者一生山輝川映其為靈昭昭也

余志歷下古蹟得城邑九許宅苑百有二許嗟墓

四十七許石刻暨石四十四許善乎于欽氏言曰

濟南東藩要郡自唐李北海杜子美曾子固東坡

兄弟相與登臨遊詠于湖山之上當時政治風流

歷城縣志
十一
猶可想見而亭館墮廢百無一二今人亦那復知
之方且戚戚于矯飾汲汲於資級以此馳騫一世
友有竊笑古人者矣

歷城縣志卷十一止